

ZULPRINS

# Far musica da chombra en temp da corona

MADLEINA CANDRIAN

Durant la pandemia da corona n'eri betg mo nunpussaivel da far sport en uniuns mabain era da far musica in cun l'auter era grev. Probabel ha era mia collega luschà encrescher fitg per sunar cun autra glieud cura ch'ella m'ha envidà per il «champ da musica» tar ella a chasa. La raschun perquai che jau scriv «champ da musica» en virgulettas è, ch'i n'era betg in champ uffizial, mabain organisà dad ina grupp da set collegas ch'avevan simplmain basegn da puspè ina giada far musica en ina grupp. Perquai che nus essan tuttas studentas e n'avevan betg avunda temp per exercitar ils tocs da musica avant il champ, avain nus elegi cumposiziuns ch'èn era pussaivlas da sunar giu dal feagl. Intginas da nus avevan da tschertgar notas ed arranschar ils tocs uschia, che tut ils instruments sajan integrads en las cumposiziuns musicalas. Quai n'era gnanc uschè lev da chattar tocs adattads per duas violinas, duas flautas, ina clarinetta, ina ghitarra ed in cello. Finalmain avain nus però chattà cunzunt musica da films sco per exempel «Fluch der Karibik».

Il glindesdi, l'emprim di da noss champ, eran tuttas anc motivadas per far provas ensemen. Però gia il segund di avain nus realisà che blers tocs che nus avain elegi, eran bunamain memia pretensius. La musica dal film «Fluch der Karibik» avain nus a partir dal mardi mo pli numnà «Fluch» cunquai ch'igl era tut auter che lev da sunar quest toc. Tuttina n'era dar si nagina opziun. Nus avain simplifitgà las notas ed exercità bler. La mesemna, il terz di dal champ, hai alura dà ina pausa da noss instruments. Per vegnir ina giada or da la stiva nua che nus exercitavan, essan nus idas a viagià sin il Pass da Cunclas. Gievgia hai puspè dà in di dad emprovas e plaunsieu avain nus sentì il pro-



Nus, las set musicistas dal «champ da musica», durant noss concert en stiva.

FOTO MAD

gress che nus avain gia fatg en quels pèr dis. Tuttas han emprendi da tadlar meglier ils instruments da tschellas e l'intunaziun è sa meglierada. Il venderdi, in di avant il concert final, hai anc ina giada dà emprovas, nua che nus essan stadas fitg disciplinadas ed ambiziusas. Encunter saira avain nus però duvrà ina midada ed essan cunquai idas al Lai da Cauma per far bogn. Il proxim di eri alura uschè lunsch; il di da concert. Per il concert avain nus envidà geniturs e vischins ch'han casualmain udì nossas emprovas cura che las fanestras eran avertas. Encunter las trais e mesa èn ils

emprims aspectaturs arrivads. Il rest dal publicum sa chattava da quest temp anc en la colonna da traffic sin la via d'autos. Perquai avain nus entschavì cun il concert mo cun ina part dal publicum ch'era previs. Pli tard avain nus fatg ina segunda runda da concert cun il rest dal publicum annunzià. La saira hai dà ina festa finala da noss «champ» cun ina grillada ch'è tuppamain vegnida interrutta da la plievgia. Co che nus avain constatà quella saira, funcziuna però era grillar senza grill, mabain en furn, senza problems. Il proxim di n'avevan intginas da nus anc adina betg avunda da

lur instruments. Perquai hai dà ina davosa emprova ensemen, avant ch'era il rest da nus è i a chasa.

Uscè in «champ» è da recumandar a mintgin, perquai ch'i fa grond plaschair, cunzunt ussa durant il temp da pandemia èsi ina pussaivladad ideala dad entupar collegas e far insatge che fa senn. Segir èsi era pussaivel dad organisar champs sportivs u forsà era champs artistics en questa moda e maniera. Nus vegnin in mintga cas era suenter la pandemia danovamain a far in «champ da musica» ed avain gia numerusas ideas tge musica che nus vulain sunar.

## LA QUOTIDIANA

Editura: Samedia Press AG  
 Editeur: Hanspeter Lebrument  
 CEO: Thomas Kundert

Editura Samedia  
 Via Sommerau 32, 7007 Cuir; tel. 081 255 50 50, mail: verlag@samedia.ch

**Redacziun responsabla:**  
 Fundaziun Medias Rumantschas (FMR):  
**Schefredactor FMR:** David Truttmann (dat)  
**Substitut schefredactor FMR:**  
 Hans Huonder (hh), Sandro Buchli (sb)  
**Redacziun FMR:**  
 Augustin Beeli (abc), Andreas Cadonau (ac), Daniela Derungs (dd), Flurin Andry (fa, correctorat), Gabriela Desax (gd, correctorat), Madlaina Capeder (mc, correctorat), Annatina Filli (afi), Martin Cantieni (mar), Matia Demarmels (md), Nadja Lucchinetti (nl), Susi Rothmund (sr), Andri Netzer (an), Sandra Balzer (sab), Martin Gabriel (mg), Tanja Augustin (ta), Pia Plaz (pp), Laura Schütz (ls).

**Adressas redacziunalas:**  
 FMR Fundaziun Medias Rumantschas,  
 Via da Masans 2, 7000 Cuir, 081 544 89 10  
 mail: redacziun@fmr.ch  
 secretariat: 081 544 89 11

www.fmr.ch

**Servetsch d'abunents e da distribuziun:**  
 Via Sommerau 32, 7007 Cuir, tel. 0844 226 226, mail: abo@samedia.ch

**Inserats:**  
**Samedia Promotion,**  
 Städtlistrasse 12, 7130 Glion  
 tel. 081 920 07 17, fax 081 920 07 18,  
 mail: ilanzer@inserate@samedia.ch

La Quotidiana cumpara tschintg giadas ad emna  
**Ediziun derasada, Südostschweiz cumplet:**  
 69 795 exemplars (WEMF, 2020)  
 Derasaziun: 161 000 lecturas e lecturs  
 (MACH-Basic 2021-1)

La Samedia Press AG è possessura dals titels  
 «Fögl Ladin», «Gasetta Romontsch», «Casa Paterna/La Pünt» e «La Vusch da Surmeir».

**Pretschs d'abunaments sut:**  
 www.suedostschweiz.ch/aboservice

Communicaziun da participaziuns considerablas  
 sin fundament da art. 322 CP:

nagin

© Samedia

ORIZONTS

## Restonzas

Quellas restonzas dad ina plonta che era inagada lunsch siadora en la plauca sur il lag da Pigniu ha la neiv enzacu transportau tochen allas rivas dil lag. En mintga cass ein dapi la sdernada gia in pèr onns vargai ed ussa seprenta la cucha sbluttada da crappa, trasch e mescal en tut ils detagls. Da prender propi peda e contemplar e studegiar ils detagls percorsch'ins vonzeivi beinenqual maletg, figuras filigranas che miran in a l'autra els eglis ni tonschan ora il maun

ni la bratscha sco da far beinvegni. Las figuras datgan nuot dils viandonts che van sperasvi – che vesan forsà gnanc in da quels maletgs. Ei vala en tuttacass la peina da far in paus e contemplar ni era da semiar.

Gliesci Camenisch, Glion

FOTO GLIESCI CAMENISCH




FOTO MADLAINA CAPEDE



*Meis corp es stanguel,  
 mias forzas sun a fin,  
 meis cour batta be plan,  
 Segner am da teis man.*

## Annunzia da mort ed ingraziamaint

Cun cours trists, ma grats per tuot quai cha no vain pudü passantar cun tai, pigliain cumgià da nossa mamma, nona e tatta

## Uorschla Müller-Mayer

30 schner 1933 - 2 aost 2021

Adressa in led:  
 Maria Benderer-Müller  
 Schigliana 156  
 7554 Sent

Ils attristats:  
 Maria e Tinet Benderer-Müller  
 Anton Müller  
 Jachen e Danja Benderer-Erni cun  
 Jenny e Marc  
 Dario e Monika Müller-Kleinau cun  
 Noemi ed Elea Marie  
 Paraints e cuntschaints

Il funeral ha lö gövgia, ils 5 aost 2021 a las 13.30 a Sent, partenza davent da chasa.